

Saksbehandlar: Einar Ulla, Sekretariat for kontrollutvala  
 Sak nr.: 19/710-1

## Kontrollutvalet - Budsjett 2019 - Disponering av vedteken budsjettramme

### Kontrollsjefen rår kontrollutvalet til å gjere slikt vedtak:

1. Kontrollutvalet tek disponering av budsjettramma 2019 til vitande

#### **Vedlegg:**

- Budsjett 2019 – Ansvarsbrev – Ansvar 110 kontrolutvalet

#### **Andre relevante dokument i saka:**

- Budsjett 2019/økonomiplan 2019 - 2022

---

## SAKSFRAMSTILLING

---

### **1. Bakgrunn for saka**

Fylkestinget vedtok 5. desember 2018 budsjett 2019 /økonomiplan 2019 – 2022 i FT-sak 56/18. I budsjettet som fylkestinget vedtok har kontrollutvalet (programområde 410) fått tildelt kr. 4 963 000 for 2019. Kontrollutvalet v/sekretariatet mottok 30. januar 2018 ansvarsbrev der det vedtekte budsjettet og regelverket rundt bruk av budsjettmidlane er skissert.

Budsjettet fordeler seg slik:

TENESTE	ANSVAR	ARTSNIVÅ 2019				Netto- budsjett 2019
		0.	1-2.	3.	Innt.	
4100	110/41001 Kontrollutvalet	0,469	0,404	0,000	0,000	0,873
4100	110/41002 Sekretariat for kontrollutvalet	1,123	0,107	0,000	0,000	1,230
4100	110/41003 Kjøp av revisjonstenester	0,000	0,000	2,860	0,000	2,860

Artsnivå 0 «Løner» baserer seg på lønsnivået pr. 01.01.19. Det vil bli gitt kompensasjon for ordinære lønsoppgjer gjevne etter denne dato. Løyvinga baserer seg vidare på ein premiesats til KLP på 21,5 pst. og arbeidsgjevaravgift på folketrygda på 10,6 pst.

Artsnivå 1-2 «Varer og tenester» skal dekke kontorspesifikke utgifter, variabel løn, mobiltelefon, reise- og kursaktiviteter. I løyvinga er det teke høgde for venta prisenivå i 2019.

Artsnivå 3 «Overføring til andre» skal dekke kjøp av revisjonstenester.

Kontrollutvalet har, i samsvar med pkt. 2.4 i budsjettreglementet, fullmakt til å omfordele mellom funksjonane på programområde 410.

## **2. Vurderingar og konsekvensar**

### 110/41001 Kontrollutvalet

Ramma skal dekke kostnader ved drift av kontrollutvalet. Det er budsjettert med 8 møte i sjølve utvalet. I tillegg har medlemmane høve til å stille på politikardagar, der kostnadar til reise, opphald, tapt arbeidsforteneste og møtegodtgjersle vert dekkja etter reglementet for politikarar, reglement for kontrollutvalet og verksemdplanen til utvalet. Det er også vedtak i kontrollutvalet om at 1. vararepresentant møter fast i utvalet.

Det er budsjettert med dekking av kostnader til representasjon på kontrollutvalskonferansen i regi av Norges kommunerevisorforbund (NKRF) som vart arrangert 30. – 31. januar, og Forum for kontroll og tilsyn (FKT) sin fagkonferanse 4. – 5. juni.

Utover dette er det sett av midlar til kontingentar, tidsskrift, bevertning etc.

### 110/41002 Sekretariatet

Ramma dekker lønsutgifter i sekretariatet i tillegg til kostnader i samband med konferansar og møteverksemd i kontrollutvalet. I tillegg deltek kontrollsjefen i nokre lokale og regionale nettverk, som det er teke budsjettmessig høgde for. NKRF og FKT arrangerer også samlingar for kontrollutvalssekretærar som kontrollsjefen deltek på i den grad det passer.

### 110/41003 Kjøp av revisjonstenester

Ramma på kr. 2 860 000 skal omfatte kjøp av revisjonstenester til finansiell revisjon, selskapskontroll og forvaltningsrevisjon. Kjøp av finansiell revisjon og selskapskontroll er i vedteke budsjett sett til kr. 1 680 000. Kjøp av forvaltningsrevisjon er budsjettert til kr. 1 180 000.

## **3. Konklusjon**

Kontrollsjefen legg i saka fram vurderingar rundt disponering av vedteken ramme for kontrollutvalet.